

# GROET MESTREECHS DICTEE 2022

## INKEL REIS AMSTERDAM – MESTREECH

*Gesjreve door Marjorie Rieu (2022)*

1. 't Waor in de zomer vaan 1949 in Amsterdam tot iech besloot Mestrechteneer te weure.
2. 'ne Sjoene werme zomer waor 't, dao in 't hertsje vaan Amsterdam, en iech zwumde ederen daag op m'n èlfendaartegste e paar rundsjes door de stad.
3. Geer dink noe mesjiens tot iech tösse de kano's en woensjeper door in de Hiere- of Prinsegrach zwumde, meh daan verdaolt geer uuch.
4. Nein, iech dobberde gans op m'n eige rösteg en lösteg door 't vröchwater in de boek vaan m'n meer.
5. 't Zouw neet mie lang dore, daan zouw iech es klein Mokummerke gebore weure.
6. Sijjns hadde ziech evels tösse m'n Amsterdamse en Haarlemse gene toch ouch e paar Mestreechse verstoompeld, want iech druumde toen al devaan 'ne Mestrechteneer te zien.
7. Stiekem stangde iech m'ne peer op ziech e pöske in Mestreech te zeuke.
8. Gelökkeg wouw me häöm dao gere höbbe en heer woort dirizjent vaan 't Mestreechs Stedelek Orkes.
9. Iech spróng e gaat in 't vröchwater en vaan sjrik beveel m'n meer op d'n daag vaan de verhuis nao Mestreech.
10. 't Erm mins waor zoe vaan slaag tot ze de Spaonse en Hollandse griep devaan kraog en nog 'n aander vreiseleke krenkde – dat rappeleer iech miech neet perceis.
11. In eder geval had ze de klets eweg en laog ze flink veur merakel[i], wie ze miech dao in Mestreech obbins[ii] in ein vaan de verhuisdoeze zaog ligke.
12. Zie kós ocherm neet veur miech zörge, meh gelökkeg kinde häör naoberse 'n gooj Mestreechse wijsvrouw, die de zörg veur dat dik gaminke gere vaan häör euvernaom.
13. M'n ma bleef get krenkelek, zoetot die wijsvrouw jaorelaank veur miech bleef zörge.
14. Vaan häör lierde iech m'n ierste Mestreechse wäördsjes.
15. Zie verweende miech mèt slók, en zoe lierde iech neet allein de smaak, meh ouch de oetspraak vaan pestielkes, zjuzjuubkes, mentakes, 'ne sjroepstek, krissiewater, peperkokemennekes en 'n tuut snitsels.
16. Daankzij de wijsvrouw woort iech 'nen echte Mestrechteneer.
- 17.

*[i] Ouch mirakel good tèle*

*[ii] Ouch opins good tèle*